

**AKT THEMELIMI DHE STATUTI  
I SHOQËRISË ME PËRGJEGJËSI TË KUFIZUAR  
"PAGHELAB" SH.P.K.**



**KREU I**

**Ortakët dhe Baza ligjore**

Sot, në datën 14./11./2019 (dymijë e nëntëmbëdhjetë) ne te nënshkruarit :

1- **Z. LUIGI DALOISO**, i datëlindjes 02.01.1949, ne Milano, Itali, banues ne Milano, Itali, madhor dhe me zotesi te plote juridike per te vepruar, mbajtes i pasaportes Italiane me nr.: **AR 9722323**.

2- **Z. ALESSANDRO RUSSO**, i datëlindjes 02.02.1971, ne Milano, Itali, banues ne Milano, Itali, madhor dhe me zotesi te plote juridike per te vepruar, mbajtes i pasaportes Italiane me nr.: **AU 0577961**.

në cilësinë e "Ortakeve Themelues", me vullnet të lire të plotë e në bazë të nismës së lirë private, mbështetur në Kushtetutën e Republikës së Shqipërisë, Kodin Civil në fuqi, ligjin Nr. 9901 date 04.04.2008, "Për Tregtarët dhe Shoqëritë Tregtare" dhe ligjin Nr. 9723, date 03.05.2007 "Për Qëndren Kombëtare të Regjistrimit", vendosem të themelojmë shoqërinë tregtare, me përgjegjësi të kufizuar, me emërtimin **"PAGHELAB" SH.P.K.**

**KREU II**

**Kuotat, Emri, Objekti, Kohëzgjatja dhe Zyra Qendrore**

**Neni 1**

**Emri dhe Ortakët**

- 1.3 Shoqëria është e organizuar dhe funksionon sipas formës "shoqëri me përgjegjësi të kufizuar" dhe mban emrin **"PAGHELAB" SH.P.K.**
- 1.4 Kapitali i shoqërisë me përgjegjësi të kufizuar ndahet në një numër kuotash, në raport me kontributin e dhënë nga çdo ortak në shoqëri. Çdo ortak zotëron një kuotë të vetme nëshoqëri.

**Neni 2**

**Objekti**

Shoqëria **"PAGHELAB" SH.P.K.** do të ketë objekt veprimtarie:

- -Ofrimin e shërbimit dhe te mirave materiale ne fushen e telekomunikacionit, duke ju referuar vecanerisht telefonise fikse, celulare dhe internetit.
- Ofrimi i shërbimeve tregtare, marketingu dhe kerkim tregu ne fushen e telekomunikacionit , edhe nepermjet punesimit te agjensive apo dhe perfaqesuesve .
- Shoqeria mund edhe te kryeje aktivitetin e organizimit, zhvillimit dhe komercializimit te publicitetit dhe informacionit tregetar nepermjet radios, televizionit, shtypit te shkruar dhe sistemeve informatike.
- Tregim dhe shitje i sendeve dhe i objekteve te argjendarise.
- Realizimi i pastrimi te pergjthshem dhe industrial, dhe magazinimi i produkteve.
- Prodhimin, tregtimin dhe shperndarjen e informacioneve kulturore, artistike, muzikore, sportive dhe aktualitetit, si nepermjet sistemeve radiotelevizive edhe nepermjet shtypit, si edhe pronesine dhe manaxhimin , edhe per llogari te te treteve, te kanaleve televizive dhe radiofonike, te gazetave , prodhimin dhe tregtimin e hapësirave publicitare.



-Mbledhjen e publicitetit per llogari te veten apo te paleve te treta, ideimin, prodhimin, bashkeprodhimi I filmave , telefilmave, me metrazh te gjate, me metrazh te shkurter, dokumentar, spektakel dhe transmetim te cdo lloji , te reklamave publicitare, krijimin dhe realizimin e prodhimeve audiovizive dhe editoriale te cdo lloj natyre; prodhimin dhe realizimin e publikimeve dhe programimeve nepermjet rrjetit internet ose world wide web, edhe nepermjet rrjetit wireless ose nepermjet rrjeteve telematike dhe kanaleve televizive edhe dixhitale dhe zhvillimin e aktiviteteve editoriale ne sektorin e argetimit, te kultures, te artit dhe te medias ne pergjithesi te lidhura me rrjetin internet, rrjete telematike ose televizioneve edhe atyre dixhitale, realizimi i publikimeve multimediale dhe shperndarja telematike e tyre, si dhe realizimi, manaxhimi, bashkeprodhimi dhe shfrytezimi tregetar te faqeve internet, edhe ne forme lajmesh.

-Pergatitja e panairove, stendave dhe ekspozitave, organizimi drejtimi dhe perhapja e manifestimeve kulturore, sportive, artistike qofte drejtperdrejt qofte nepermjet radios , televizionit, shtypit dhe sistemeve informatike; studime, publikime shtypi, shperndarjen e publikimeve te materialeve reklamues, broshurave, katalogeve, revistave, gazetave, pragrameve radiofonike dhe televizive. Organizimi, manaxhimi dhe drejtimi i sherbimeve audiotekst/audiotel dhe videotekst ose sidoqofte sherbime telefonike me tarifa specifike apo te shtuara ( sherbime premium) qofte per rrjetin fiks dhe per ate celular, dhe nepermjet sms e mms, qofte per llogari te vet apo per te tretet; organizimi, drejtimi , shperndarja e manifestimeve me cmime ( konkurse apo veprime) qofte per llogari te vet dhe per te tretet dhe mbledhja e fondeve me qellim bamiresie qofte per llogari te vete apo te te treteve; prodhimi I sherbimeve te lidhura me informatiken ( realizimi i faqeve te internetit); ideimi dhe realizimi i rrjeteve informatike, ideimi dhe zhvillimi I programeve dhe grafikave multimediale, kryerja e xhirimeve, montazhit, dhe post produksioni audio/video, kurse formimi dhe azhornimi ne fushen informatike dhe multimediale, ideimi dhe prodhimi i materialeve didaktike ne suporte audiovizive, blerja dhe shitja e hardware; Shoqeria mund te bleje, shese manaxhoje te mira materiale duke perfshire aeromjetet, anijet, barka.

- Objekt i kesaj shoqerie do te jete edhe ofrimi i sherbimit te "Sekretarise Virtuale", perpunime te te dhenave ekonomike, call-center dhe import - eksport tregeti ne te gjitha fushat.

Te gjitha aktivitetet e lartpermendura mund te kryhen qofte ne Shqiperi qofte jashte shtetit ne favor te kujt do subjekti, edhe ne favor te enteve publike. Shoqeria mund te kryeje te gjitha veprimet tregetare, industriale dhe imobiliare qe do te jene te nevojshme apo te dobishme per te arritur qellimin e shoqerise; Mund te kete interesa apo aksione ne shoqeri te tjera me objekt te njejte apo te ngjashem pune por sidoqofte qe ka lidhje me objektin e punes se vete shoqerise, te marre pjese ne prokurime apo ankande qofte publike apo private, me qellim te vetem arritjen e objektit te shoqerise, duke respektuar ligjet ne fuqi , si edhe te jape kolateral apo garanci reale apo personale ne pergjithesi, me qellim te vetem permbushjen e objektit te shoqerise.


### Neni 3

#### Kohëzgjatja

- 3.1 Shoqëria do të ushtrojë aktivitetin e saj për një afat të pakufizuar.
- 3.2 Shoqëria "PAGHELAB" SH.P.K. gëzon statusin e personit juridik shqiptar nga momenti i regjistrimit si e tillë në regjistrin tregtar të QKR-së.

### Neni 4

#### Zyra Qendrore





4.1 Zyra qendrore e shoqërisë ndodhet në adresën: **Autostrada Tirane-Durres, me nr.pasurie.53/190, zk. 2679, Mezez-Tirane.**

4.2 Gjatë veprimtarisë së saj, shoqëria ka të drejtë të krijojë dhe hapë degë, filiale dhe/ose zyra përfaqesimi edhe në qytete të tjera, brenda dhe/ose jashtë territorit të Republikës së Shqipërisë, në përputhje me legjislacionin e kërkuar në fuqi sipas juridiksionit të vendit përkatës.

### KREU III

#### Neni 5

#### Vlera dhe pagesat e kapitalit të regjistruar

5.1 Kapitali themeltar i shoqërisë është **1'500 EURO (nje mije e peseqind)** i formuar në masë të plotë nga kontributet e ortakëve dhe i ndarë në dy kuota me vlerë nominale sipas ndarjes me poshte. Çdo kuotë njësie ka të drejtën e (1) një vote. Pjesëmarrja e themeluesve në kapitalin e shoqërisë është në përputhje me kontributet e tyre si më poshtë:

- Ortaku themelues **LUIGI DALOISO**: Zotërues i 1 (një) kuote me vlerë të përgjithshme **750 EURO (shtateqind e pesedhijete)** që përbën 50% të kapitalit themeltar të shoqërisë;
- Ortaku themelues **ALESSANDRO RUSSO**: Zotërues i 1 (një) kuote me vlerë të përgjithshme **750 EURO (shtateqind e pesedhijete)** që përbën 50% të kapitalit themeltar të shoqërisë.

5.2 Kontributet sa më sipër janë nënshkruar dhe shlyer plotësisht nga ana e ortakëve të shoqërisë.

#### Neni 6

#### Zmadhimi dhe Zvogëlimi i Kapitalit Themeltar

6.1 Ortaku, mund të zmadhojë kapitalin themeltar të shoqërisë duke rritur kuotat në shumën e përcaktuar në vendimin përkatës. Zmadhimi i kapitalit me qëllim pranimin e ortakëve të rinj në shoqëri, miratohet nga Asambleja e Përgjithshme me shumicën e cilësuar (tre të katërtat) e votave të ortakëve në përputhje me parashikimet e nenit 87 të Ligjit.

6.2 Shoqëria mund të vendosë zvogëlimin e kapitalit themeltar të shoqërisë me vendimin e Asamblesë së Përgjithshme, të marrë me shumicën e cilësuar të votave (tre të katërtat) në përputhje me parashikimet e nenit 87 të Ligjit, duke pasur parasysh që të respektohet minimumi i parashikuar nga Ligji për Shoqërite Tregtare.

### KREU IV

#### Neni 7

#### Kuotat dhe Kalimi i Kuotave

7.1 Kontrata e kalimit të kuotës bëhet me shkrim ndërmjet paleve.

7.2 Transferimi i kuotave të ortakëve të shoqërisë brenda ortakërisë apo në drejtim të personave të tretë jashtë ortakërisë është i kushtëzuar në çdo rast nga ushtrimi i të drejtës së parablerjes në favor të ortakëve ekzistues.

Ortaku, para se t'i transferojë në çdo formë kuotat e veta një ortaku ekzistues brenda shoqërisë apo një personi të tretë jashtë saj, detyrohet të njoftojë me shkrim paraprakisht të gjithë ortakët ekzistues nëse dëshirojnë të blejnë kuotat me të njëjtat kushte ekonomike si dhe në menyrë përpjestimore sipas kuotave që zotërojnë në kapital të shoqërisë.



Në rast se të gjithë ortakët nuk përgjigjen me shkrim brenda 20 diteve nga njoftimi apo deklarojnë se nuk dëshirojnë të blejnë kuotat, ortaku është i lirë të transferojë kuotat e tij tërësisht apo pjesërisht në drejtim të personave të tretë jashtë ortakerisë.

Në rast se një pjesë e ortakëve ekzistues përgjigjen me shkrim brenda 20 diteve dhe deklarojnë se dëshirojnë të blejnë kuotat, ortaku është i detyruar t'i transferojë kuotat e tij në drejtim të tyre në mënyrë të barabarte (dmth në rast se dy ortakë shprehin dëshirën për blerjen e kuotave, ato do t'i shiten të dy ortakëve në mënyrë të barabartë, pra 50% secilit).

#### Neni 8

##### Kalimi i kuotave me Trashëgimi ose si pasojë e Falimentimit

- 8.1 Nëse një ortak vdes, trashëgimtari ose trashëgimtarët në rastin e bashkëzotërimit të kuotave, dhe trashëgimtarët e tij në rast se ky person ishte zotërues ose trashëgimtar i vetëm i bashkëzotëruesve të kuotave, do të jenë personat e vetëm të njohur nga shoqëria si gëzues së të drejtave mbi kuotën e tij; pavarësisht parashikimeve të këtij Statuti, pasuria e ortakut të vdekur nuk çlirohet nga përgjegjësia në lidhje me kuotën e zotëruar nga ai vetëm apo së bashku me persona të tjerë.
- 8.2 Personi që fiton të drejtën mbi një kuotë si pasojë e vdekjes ose falimentimit të një ortaku, pas paraqitjes së provave të kërkuara nga Administratori, mund të zgjedhë të bëhet zotërues i kuotës ose të kërkojë regjistrimin e kuotës në emër të një personi tjetër të caktuar prej tij si përfitues të kuotës. Nëse personi i mësipërm zgjedh të bëhet zotërues i kuotës, ai njofton shoqërinë në lidhje me këtë zgjedhje. Nëse ky person zgjedh që një person tjetër të regjistrohet si zotërues i kuotës, ai kalon kuotën në dobi të personit tjetër.
- 8.3 Personi që fiton të drejta mbi një kuotë si pasojë e vdekjes ose falimentimit të një ortaku do të ketë të drejtat që gëzonte zotëruesi i kuotës, duke përjashtuar të drejtën e pjesëmarrjes ose të votës në çdo mbledhje të Asamblesë së Përgjithshme, deri në momentin e regjistrimit në QKR.

#### Kreu IV

##### Asambleja e Përgjithshme

#### Neni 9

##### Kompetencat dhe Thirrja e Asamblesë së Përgjithshme

- 9.1 Asambleja e Përgjithshme është organi më i lartë vendimarrës i Shoqërisë. Asambleja e Përgjithshme do të vendosë, por pa u kufizuar, për çështjet e mëposhtme të Shoqërisë:
  - a. përcaktimi i politikave tregtare;
  - b. ndryshime të Statutit;
  - c. emërimi dhe shkarkimi i administratorit/administratorëve;
  - d. emërimi dhe shkarkimi i likuiduesve dhe i ekspertëve kontabël të autorizuar;
  - e. miratimi i skemës së shpërblimeve për personat e përmendur në shkronjat c. dhe d.;
  - f. mbikqyrja e zbatimit të politikave tregtare nga ana e administratorit/administratorëve, duke përfshirë përgatitjen e pasqyrave financiare vjetore dhe raporteve mbi ecurinë e aktivitetit të Shoqërisë;
  - g. miratimi i pasqyrave financiare vjetore dhe i raporteve mbi ecurinë e aktivitetit të Shoqërisë;
  - h. zmadhimi ose zvogëlimi i kapitalit;



- i. pjesëtimi i kuotave dhe anulimi i tyre;
- j. përfaqësimin e shoqërise në gjykime dhe ne procedime te tjera kundër administratorit/administratorëve të saj;
- l. riorganizimi dhe prishja e Shoqërise;
- m. miratimi i rregullave procedurale të mbledhjeve të saj;
- n. çeshtje të tjera të parashikuara nga Ligji per Shoqërite Tregtare dhe Statuti.

Nëse shoqëria mbetet me një ortak, atëherë ortaku i vetëm detyrohet ta regjistrojë këtë fakt, sipas nenit 43, të ligjit nr. 9723, datë 3.5.2007, "Për Qendrën Kombëtare të Regjistrimit", të ndryshuar. Nëse ortaku i mbetur nuk përmbush këtë detyrim, atëherë ortaku përgjigjet personalisht për detyrimet që shoqëria merr përsipër nga data në të cilën duhet të ishte kryer regjistrimi, sipas këtij neni, deri në datën në të cilën ky regjistrim u krye efektivisht."

- 9.2 Asambleja e Përgjithshme merr vendime për çështjet e përmendura në pikat (g) dhe (h) më sipër pas shqyrtimit të dokumentacionit përkatës të dërguar me thirrjen e mbledhjes së asamblesë së përgjithshme.
- 9.3 Mbledhja e Asamblesë së Përgjithshme thirret nga administratori apo ortakët e minorancës sipas dispozitave të ligjit për shoqëritë tregtare në fuqi nëpërmjet një njoftimi me shkresë, me postë ose e-mail drejtuar çdo ortaku, përfshirë edhe përfaqësuesin e kuotave në zotërim të përbashkët. Njoftimi duhet të kryhet të paktën 7 (shtatë) ditë të plota përpara datës së caktuar për mbledhjen përveç rasteve kur njoftimi i mbledhjes së Asamblesë së Përgjithshme i cili përmban një afat më të shkurtër është miratuar nga te gjithë ortakët që zotërojnë 100% të kapitalit të shoqërisë.
- 9.4 Njoftimi për thirrjen e Asamblesë duhet të përmbajë në mënyrë të qartë datën, ditën, kohën, vendin dhe rendin e ditës të mbledhjes, së bashku me dokumentacionin përkatës dhe do t'u dergohen të gjithë Ortakëve të Shoqërisë të paktën 7 (shtatë) ditë përpara mbledhjes.  
Në rast ndryshimi të rendit të ditës, do të ndiqet e njëjta procedure njoftimi që përshkruhet më sipër.

#### Neni 10


##### Kuorumi i nevojshëm

- 10.1 Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë jo me pak se 31 për qind të kapitalit të shoqërise.
- 10.2 Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar sipas nenit 87 të ligjit "Per Tregtarët dhe Shoqëritë Tregtare", ajo mund të marrë vendime të vlefshme vetëm nëse marrin pjesë ortakët me të drejtë vote, që zotërojnë jo me pak se 51 për qind të kapitalit të shoqërisë.
- 10.3 Nëse asambleja e përgjithshme nuk mund të mbledhet për shkak të mungesës së kuorumit të përmendur me lart, asambleja mbledhet përsëri jo më vonë se 30 ditë, me të njëjtin rend dite.

#### Neni 11

##### Marrja e vendimeve

- 11.1 Asambleja e Ortakëve vendos me 3/4 të ortakëve zotërues të kapitalit të shoqërisë me të drejtë vote, për çështje të rëndësishme që kanë të bëjnë me ndryshimin e statutit,





zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë etj.

- 11.2 Asambleja e përgjithshme vendos me shumicën e thjeshtë të votave të ortakëve pjesëmarrës, për çështje të tjera të zakonshme si :
- a) përcaktimi i politikave tregtare të shoqërisë;
  - b) emërimin dhe shkarkimin e administratorëve;
  - c) emërimin e shkarkimin e likuiduesve dhe të ekspertëve kontabël të autorizuar;
  - ç) përcaktimin e shpërblimeve;
  - d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecures së veprimtarisë;
  - e) përfaqësimin e shoqërisë në gjykatë dhe në procedimet e tjera ndaj administratorëve;
  - f) miratimin e rregullave procedurale të mbledhjeve të asamblesë;
- 11.3 Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë.  
Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.  
Autorizimi jepet në formë shkresore vetëm për një mbledhje të asamblesë së përgjithshme dhe është i vlefshëm edhe për mbledhjet vijuese me të njëjtin rend dite.
- 11.4 Kryetari i mbledhjes së asamblesë së përgjithshme do të jetë administratori i shoqërisë i cili do të drejtojë mbledhjen dhe asambleja e përgjithshme në çdo mbledhje të saj do të emerojë me shumicë të thjeshtë të votave të ortakëve pjesëmarrës edhe një person tjetër për të mbajtur proces-verbalin e mbledhjes së asamblesë së përgjithshme.
- 11.5 Çdo vendim i mbledhjes së asamblesë së përgjithshme do të regjistrohet në proces-verbal, i cili do të mbahet në perputhje me nenin 90 të ligjit Për Tregtarët dhe Shoqëritë Tregtare.

#### Neni 12

##### Votat e Ortakëve

- 12.1 Çdo ortak ka të drejta vote në përpjesëtim me vlerën nominale të kuotës së tij. Bashkëzotëruesit e një kuote ushtrojnë të drejtat e votës bashkërisht, sipas nenit 72 të ligjit për shoqëritë tregtare në fuqi.
- 12.2 Asnjë ortak nuk do të votojë në mbledhjen e Asamblesë së Përgjithshme, personalisht ose nëpërmjet përfaqësuesve, në lidhje me kuotën e zotëruar prej tij, nëse nuk ka shlyer tërësisht detyrimet që kanë të bëjnë me këtë kuotë.


#### Kreu V

##### Administratori

#### Neni 13

##### Emërimi i Administratorit

- 13.1 Asambleja e Përgjithshme zgjedh një ose më shumë persona fizikë si Administratorë të shoqërisë për një periudhë pesëvjeçare, në pajtim me parashikimet e shkronjës "c" të pikës 1 të nenit 81 dhe nenit 95 të Ligjit. Emërimet do të jenë individuale dhe sipas një vendimi të marrë me shumicën e votave të ortakëve në Asamblenë e Përgjithshme, i cili, nëse miratohet, sjell emërimin e personit të propozuar si Administrator.
- 13.2 Personi i mëposhtëm caktohet si Administrator i shoqërisë "PAGHELAB" SH.P.K.:  
YLLI XHUNGA, i biri i Selmanit, lindur më 28.08.1954 në Tiranë, banues në Durrës, madhor dhe me zotësi të plotë për të vepruar, identifikuar nga letërnjoftimi me nr.





personal: F40828096W. afat te caktuar, nga momenti i regjistrimit të këtij fakti pranë Qendrës Kombëtare të Regjistrimit.

#### Neni 14

#### Kompetencat e Administratorit

14.1 Politikat tregtare të shoqërisë si dhe aktiviteti normal i saj do të administrohen nga Administratori i cili mund të ushtrojë të gjithë kompetencat që nuk i rezervohen Asamblesë së Përgjithshme sa më sipër dhe ligjit tregtar në fuqi.

14.2 Pa u kufizuar sa më sipër, në menyrë të veçantë, Administratori ka këto kompetenca:

- (xiii) do të drejtojë dhe të perfaqësojë Shoqërinë përsa i përket administrimit të zakonshëm;
- (xiv) do të nënshkruajë çdo marrëveshje në emër të Shoqërisë;
- (xv) do të hapë llogari në emër të Shoqërisë më çdo bankë që kryen aktivitet në Shqipëri ose jashtë saj,
- (xvi) do të përgatisë të gjitha planet për marrjen e financimeve, do të nënshkruajë çdo kontratë huaje apo kontratë tjetër që parashikon një borxh apo borxh të mundshëm për Shoqërinë, hipotekë, peng apo çdo marrëveshje tjetër që krijon apo mund të krijojë një barrë mbi pasuritë e Shoqërisë, marrëveshje garancie, kontratë për shitjen e pasurive të paluajtshme apo të luajtshme të Shoqërisë. Të gjitha veprimet e parashikuara këtu (pika iv) do të jenë të vlefshme nëse janë të autorizuar shprehimisht me anë të një Vendimi të Asamblesë së Përgjithshme të marrë me shumicë unanime;
- (xvii) do të urdhërojë dhe kryejë pagesa në emër të Shoqërisë - duke nënshkruar dokumentet / instrumentet e pagesave;
- (xviii) do të kujdeset për mbajtjen e sakte e të rregullt të dokumenteve dhe të librave kontabel të Shoqërisë;
- (xix) do të përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, ia paraqet për miratim Asamblesë së Përgjithshme;
- (xx) do të krijojë një sistem monitorimi dhe paralajmërimi njoftimi të hershëm për rrethanat që kërcenojnë ekzistencën e Shoqërisë;
- (xxi) do të kryejë regjistrimet e publikimet e detyrueshme të të dhënave të Shoqërisë, sipas kërkesave të Ligjit nr. 9723, datë 3 Maj 2007 "Për Qendrën Kombëtare të Regjistrimit";
- (xxii) do të raportojë Asamblesë së Përgjithshme për zbatimin e politikave tregtare dhe për realizimin e veprimeve me rëndësi të veçanta për veprimtarinë e Shoqërisë;
- (xxiii) do të përgatisë të gjitha planet për zhvillimin dhe operimin e Hidrocentraleve;
- (xii) do të marrë në punë, emerojë, shkarkojë të punësuar të Shoqërisë për çdo nivel, përfshirë edhe të punësuar me kohë të pjesshme, konsulentë, agjente, do të përcaktojë kompetencat dhe detyrat e tyre, si dhe do të përcaktojë shpërblimin e tyre;
- (xxiv) do të kryejë detyra të tjera, të përcaktuara në Ligjin për Shoqëritë Tregtare, duke pasur parasysh respektimin në çdo rast të kufizimeve të parashikuara nga ky Statut, si dhe detyrat e dhena me Vendim të Asamblesë së Përgjithshme.

Asambleja e përgjithshme, në bazë të një vendimi të marrë me shumicën e përcaktuar sa më sipër, ka të drejtë të ngrejë padi përpara gjykatës kompetente për shfuqizimin e vendimeve të administratorëve, si pasojë e shkeljes së rëndë të ligjit ose të statutit dhe/ose padi të tjera që parashikon ky ligj ose statuti ndaj administratorëve apo ortakëve.



## Neni 15

### Skualifikimi dhe Shkarkimi i Administratorit

Detyra e Administratorit përfundon në rast se:

1. personi nuk është më Administrator sipas parashikimeve të Ligjit përfshirë edhe parashikimet e pikës 6 të nenit 95 të Ligjit;
2. personi vuan ose mund të vuajë nga çrregullime mendore;
3. ndodhet ose mund të ndodhet në kushtet e pa-afetise fizike;
4. jep doreheqje nga detyra duke njoftuar shoqerine;
5. vdekjeje;
6. ndodhet në situata apo rrethana të cilat e bëjnë të pamundur ushtrimin e detyrave të tij.

## Neni 16

### Kufizimet në Veprimet e Administratorit

- 16.1 Administratori nuk do të lidh marrëveshje për çështje në të cilin ai ka, direkt ose indirekt, një interes apo detyrim i cili është material, që është apo mund të jetë në kundërshtim me interesat e shoqërisë, në pajtim me nenin 13 të Ligjit për shoqerite tregtare, deri në momentin kur Asambleja e Përgjithshme e shoqërie, në bazë të kuorumit të kërkuar, autorizo lidhjen e kësaj marrëveshje.
- 16.2 Autorizimi mund të jetë i përgjithshëm ose i posaçëm për një çështje të caktuar. Autorizimi i përgjithshëm duhet të regjistrohet pranë Qendrës Kombëtare të Regjistrimit.


## Kreu VI

### Prishja dhe njoftimet

## Neni 17

- 17.1 Shkaqet e prishjes së shoqërisë  
Shoqëria me përgjegjësi të kufizuar prishet:
- a) kur mbaron kohëzgjatja, për të cilën është themeluar;
  - b) me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;
  - c) në rast se objekti bëhet i parealizueshëm për shkak të mosfunksionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;
  - ç) në rastet e pavlefshmërisë së themelimit të shoqërisë, të parashikuara nga neni 3/1 të ligjit për shoqerite tregtare;
  - d) në raste të tjera, të parashikuara në statut;
  - dh) në raste të tjera, të parashikuara me ligj;
  - e) për çdo shkak tjetër të vendosur nga asambleja e ortakëve.
- 17.2 Në rast të likuidimit të shoqërisë, likuiduesi, në përputhje me Ligjin dhe me vendimin e marrë me shumicën e kualifikuar së votave të Asamblesë së Përgjithshme, mund të shpërndajë në dobi të ortakëve të gjithë ose një pjesë të vlerës së pasurive të shoqërisë dhe për këtë qëllim, mund të vlerësojë çdo pasuri dhe të përcaktojë mënyrën e shpërndarjes midis ortakëve të shoqërisë.
- 17.3 Administratori është i detyruar të regjistrojë prishjen e Shoqërisë në QKR, me përjashtim të rastit kur prishja bëhet me vendim gjykate; në këtë rast është gjykata që i dërgon njoftimin QKR-se.

## Neni 18





### Njoftimet

- 18.1 Njoftimet e kryera nga çdo person sipas parashikimeve të Statutit, duhet të jenë me shkrim ose (nëse zbatohet) nëpërmjet komunikimit elektronik në adresën e parashikuar sipas pikës 3 të nenit 4 të këtij Statuti dhe janë të vlefshme në lidhje me kohën e njoftuar për këtë qëllim dhe personin që kryen njoftimin.
- 18.2 Shoqëria mund të njoftojë një ortak personalisht ose duke e dërguar njoftimin me letër porosi me kthim përgjigje në adresën e regjistruar të ortakut ose në adresën apo postën elektronike (nëse ka) që i është njoftuar shoqërisë nga ortakut. Kur ka disa bashkëzotërues të një kuote, të gjitha njoftimet i jepen përfaqësuesit të tyre të përbashkët në përputhje me pikën 2 të nenin 72 të Ligjit.

### Neni 19

#### Te Ndryshme

- 19.1 Cdo dokument që leshohet për dhe në emër të shoqërisë është i pavlefshëm nëse nuk mban vullnetin e saj.
- 19.2 Të gjitha marrëdhëniet e punës në shoqëri rregullohen me Kodin e Punës dhe cdo akt tjetër ligjor dhe nenligjor të zbatueshëm të Republikës së Shqipërisë, në fuqi dhe në veprim kohë pas kohë gjatë periudhës së ushtrimit të aktivitetit të saj tregtar.
- 19.3 Viti financiar zgjat 12 (dymbëdhjetë) muaj, duke filluar më 1 Janar dhe mbaron më 31 Dhjetor të cdo viti.
- 19.4 Në fund të cdo viti financiar, Administratori harton bilancin vjetor dhe raportin e administrimit, të cilet i dërgohen për miratim Asamblesë së Zakonshme.
- 19.5 Për të gjitha çështjet që nuk janë parashikuar në këtë Statut, do të zbatohen parashikimet e Ligjit për Shoqëritë Tregtare në fuqi, të azhurnuar.

### NENI 20

#### Dispozita perfundimtare

- 20.1 Ky statut përben dokumentin e vetëm të shoqërisë që parashikon themelimin dhe organizimin e veprimtarisë së shoqërisë. Ky Statut mund të ndryshohet, rishikohet dhe/ose shfuqizohet pjesërisht ose tërësisht dhe të zëvendësohet me një statut të ri vetëm me vendim të Asamblesë së Përgjithshme të Ortakëve sipas shumicës së cilesuar të përcaktuar me sipër.
- 20.2 Për sa nuk është parashikuar në këtë statut, ortakët do të referohen legjislacionit tregtar Shqiptar në fuqi si dhe praktikave tregtare në vend.


Caktohet Z. YLLI XHUNGA që të paraqitet pranë QKB për regjistrimin e Akt-themelimit dhe Statutit të Shoqërisë "PAGHELAB" SH.P.K.

Ky statut u redaktua në 3 kopje origjinale të njëjta, me përmbajtje dhe vlerë të njëjtë juridike, në gjuhën Shqip dhe u nënshkrua nga palët pa asnjë rezervë.

Date 14/11/2019

ORTAKET THEMELUES

LUIGI DALOISO



ALESSANDRO RUSSO

Alessandro Russo

